



**Uunga siunnersuut Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allanngortinneqarnissaa pillugu Inatsisartut inatsisaat (Teknikkikut naleqqussaait, Kommunit immikkoortunut pilersaarutaat kiisalu Piffissaq ungasinnerusoq eqqarsaatigalugu aningaasaliissuteqarnissamut Aningaasaateqarfimmut nuutsisarneq)**  
(Aningaasaqarnermut Akileraartarnermullu Naalakkersuisoq)  
(Siullermeerneqarnera)

Demokraatit siunnersuummut qujapput. Uagutsinnut pingaartuuvoq, missigersuummut inatsiseqarnissarput, sinaakkusiisumik, qulakkeerinnittumik, politikikkut aningaasaqarnermik akisussaassuseqartumik ingerlatsineq innuttaasunut nuannaarutaallunilu iluaqutaasussamik. Missigersuummut inatsisip qulakkeerpaattaaq, siunnersuutit aningaasartuutitalit aningaasalerneqartarnissaat, tamannalu piffissami ungasinnerusumi aningaasaqarnikkut ingerlalluarnissamut iluaqutaassammat.

Ingammik iluarisimaarparput, killilerneqarmat, qanoq amerlatigisunik pisortat aningaasartuutai qaffanneqarsinnaanersut. Soorlu ilisimaneqareersutut kissaatigaarput, pisortat allaffeqarfianni pisariillisaasoqarnissaa, taamaaliornikkut aningaasartuutit tassunga tunngassuteqartut appartinneqassammata. Uani pitsaavoq aallarniutitut, killiliisoqarmat, aningaasartuutit qanoq annertutigisumik qaffassasut.

Taamatutaaq aamma silatusaarneruvoq, kommunemi imaluunniit Namminersorlutik Oqartussani missigersuutip tamarmiusup oqimaaqatigiinnissaanik imaluunniit ukiut sisamat ingerlaneranni sinneqartoorutaanissaanik tunngaviusumik isummernerup ingerlateqqinneqarnissaa.

Taamatut oqaaseqarluta siunnersuut Aningaasaqarnermut- aamma Akileraartarnermut ataatsimiititaliami suliareqqitassatut ingerlateqqinneqassasoq innersuunneqarpoq.